

LE

O
A

VITTORIO EM. III

I

NAZIONALE

BIBLIOTECA

FONDO
DORIA


III

33

VITTORIO EM. III

NAPOLI







Pageants 25
P. 1084.


339

h. 800









LES
TRIOMPHES,
ENTREES, TOVRNOIS,
CEREMONIES, ET AVTRES
Magnificences, faites en Angleterre,
& au Palatinat, pour le Mariage
& Reception de

Monseigneur le Prince

FRIDERIC V.
COMTE PALATIN
DV RHIN, ELECTEUR DV
S. Empire, Duc de Baviere, &c.

Et de Madame

ELIZABETH,
FILLE VNIQVE
ET PRINCESSE DE LA
grande Breragne, Electrice Pa-
latine du Rhin, &c.
Son Espouse.



A LYON,
PAR IAQVES MALLET.

M. DCXIII.

AVEC PERMISSION.

Fondo Doria 961514

THOMAS


ENTREES, TOURNIS

CEREMONIES ET AUTRES

Magnifices, fâcheux Anglaises,

& au P. pour le mariage

Reception de



Alors, fâcheux le Prince

FRIEDERIC V

COMTE PALATIN

DU RHIN, ELECTEUR DU

S. Empire, Duc de Bavière, &c.

Et de Wladimir

ELIZABETH

FILLE AINOUE

ET PRINCESSE DE LA

Grande Bretagne, &c.

Jaime du Rhin, &c.

Son Epouse.



A L'YON.

PAR LAOUES MALLE.

AN DCCXIV.

AVEC PERMISSION.



A son Altesse Serenissime,

MADAME

ELIZABETH,

FILLE VNIQUE ET

PRINCESSE DE LA GRANDE

BRETAGNE, ELECTRICE

Palatine du Rhin, &c.

Esponse du Serenissime Prince,

FRIDERIC V.

COMTE PALATIN

DU RHIN, ELECTEUR

DU SAINT EMPIRE,

Duc de Baviere, &c.

MADAME,



*J'aurois peur d'estre accuse de la temerise
d'Icare, & que les ailes cirées de mes vœux
ne vinssent à se fondre aux rais de vos So-*

leils, pour estre submergez dans la mer d'oubliance, s'il au-
noit, que Vostre Altesse Serenissime les voulust regarder des
yeux de sa grandeur. Toutesfois cognoissant la debonnité

de V. A. S. j'espère qu'elle me sera aussi propice, que celle de Phœbus à Phaëton, qui retirant ses rays luy permit l'entrée de sa sale, inaccessible au reste des mortels. C'est pourquoy je m'emancipe de presenter à V. A. S. le tableau raccourcy des Triomphes, qu'on s'est par tout estudié de dresser pour sa bien-venue au PALATINAT. Ce seroit obscurcir la gloire de VV. AA. SS. & donner du mescontentement aux autres prouvinces, s'ils n'en auoyent pour le moins le crayon. Que si l'œil de V. A. S. luy est tant soit peu favorable, je m'assure qu'il ira plus franchement contenter l'esprit des curieux, qui n'ont eu ce bon-heur de participer à la veüe de ces triomphes. Je sçay qu'ils meritoient vne plume d'orée, ou le pinceau d'Appelles, pour les faire voir à la posterité. Toutes-fois si la faveur de V. A. S. leur permet la lumiere, les traits en seront d'autant plus estimez que le subiect en est riche & precieux.

Vostre Aliesse Serenissime (qui a esté le premier mobile, lequel a faict joüer les ressorts de tant de machines & d'inventions) y verra comme ses merites ont resueillé les esprits de ses subiects, & le courage des Princes & braves Cavaliers, pour s'esvertuer de faire ce qu'ils ont creu pouuoir apporter du contentement à V. A. S. Quant à moy, ponsé, d'un mesme desir je viens à V. A. S. comme ce paysan, qui presenta sa main pleine d'eau au Roy de Perse. La suppliait, d'auoir pour agreable l'eschantillon des louanges que l'on doit à ses merites, & les prieres, que j'espands devant Dieu, à ce qu'il acheue les BenediCTIONS qu'il a si liberalement commencées en l'heureux mariage de VV. AA. SS. Ce que je souhaite avec autant de zele, que j'ay d'affection de mourir.

MADAME

de V. A. S.

Tres-humble & tres-obeissant
seruiteur, D. loquet.

LE VOYAGE ET TRIOMPHE DE IASON.



Itost que le Soleil (monstrant sa gaye
face)

Eust dissipé de l'air la froidure & la
glace,

Et qu'on vit dans les prés les trois
Charites sœurs

Se faire des chapeaux de cent sortes de fleurs:
Le Prince PALATIN ressentant en son ame,
Qu'il ne pouvoit plus vivre en ceste ardente flamme,
Que luy causoit l'Amour, fit paroistre ce feu,
Qui cruel consumoit son ame peu à peu
A sa chere Maistresse; en l'œil de qui se place
Ce que la nature a de faveur & de grace.

Mais comme vng vray amour fondé sur la vertu,
Ne se peut reietter ny moins estre abbatu:
Ce petit Cupidon prist soudain vne fiesche,
Dont il fit promptement vne pareille bresche
Dedans le tendre cœur de la fille du Roy,
Qui cherit dès alors ce Prince plus que soy.

Ainsi bruslans tous deux dans vne flamme esgale,
Leur cœur n'aspiroit plus qu'à l'amour coniugale.
Leur grandeur, leur merite, & leur aage pareil
Estans bien balancés par le prudent conseil
De leurs sages Parens, l'heureuse Destinée
Les renga doucement sous les loys d'Hymenée.

Et bien que des grands Roys eussent taché d'avoir

Ce threfor, que l'Amont mettoit en son pouvoir:
 Si est ce que le Pere ayant eu cognoiffance
 Des vertueufes mœurs de fon Adolefcence,
 Le voulut prefeter à tous fes corrivaux,
 Et luy recompenser fes amoureux travaux.
 MYSES qui prefidez au facré mariage,
 Influez vos docteurs en mon rude langage,
 Affin que le Nectar & le miel de mes vers
 Puiſſent mieux raconter aux coins de l'Vnivers
 Les Triomphes, les leux, les Entrées pompeufes,
 Que l'on a célébré à ces nopces fameufes.

QVAND ce Nouveau Iafon, confeillé de Pallas,
 S'embarqua pour aller trouver fon cher ſoulas,
 Le Necker & le Rhin ſachant ſon Entreprife,
 Avancerent leurs cours juſques en la Thamife,
 De qui le Rhin defia s'eſtoit ennamouré,
 Si le vaſte Ocean ne l'en euſt ſeparé.

Chacun luy faiët honneur en quelque lieu qu'il
 Sa Vertu luy acquiert la faveur & la grace. (paſſe)
 De Neptune & d'Eole, enſoignans aux Zephirs
 De le rendre bitn toſt au port de ſes deſirs.

Il arrive, on l'accueille, on luy faiët grand careſſe,
 Il reçoit des faveurs de ſa chere Maïſtreſſe,
 Qui voyant ſes vertus, le prend pour chevalier.

Le Roy en meſme inſtant luy donne le colier
 Avec la larretiere; & veut que l'on l'honore
 De la Ceremonie au Chateau de Vvinſore,
 Ordre qui n'eſt donné qu'aux Princes & aux Roys.

Auſſi on l'envoya de meſme ceſte fois
 Au grand Prince MAVRICE : à qui l'hent & la gloire
 Ont faiët graver ſes faiëts au temple de Memoire.

MAIS durant ceſte joye, ô bon Dieu quel malheur!
 La Parque inexorable alla percer le cœur.

Du Prince le mieux né qui eust oncques l'Angleterre,
Et luy trancha les jours durant la prime-Veue,
Arrachant tout d'un coup l'esperoir que sa Vertu plus
Promettoit aux Anglois, si eust encor vescu.

Mais cōme ce grand Roy eſt Magnanime & Sage,
Il supporta ce deuil avec vn grand courage,
Disant Si l'Eternel m'a pris mon fils aîné,
Voicy qu'en mēme instant la faueur m'a donné
Vn grand Prince pour Gendre, & par ainsi la grace
En m'en retirant l'un, d'un autre le remplace.
Me blessant d'une main, de l'autre il me guerit.
Ainsi ce sage Roy consoloit son Esprit.

Or comme le serain survient après l'orage,
Que la clarté paruiſt bien mieux près de l'ombrage:
Ainsi le deuil se passe, & les ris & les jeux
Ont donné ce coup trefue aux larmes de leurs yeux.

Chacun met en avant, pour luy rendre service,
Tout ce que l'on ſçauoit inventer d'artifice.

L'on bairist vne tour sur le milieu des eaux,
Qui leſchent d'Albion les monts & les collaux
Pres du Palais Royal, sur qui vne fusée
Vola qui la rendit en peu d'heure embrasée.

C'estoit comme vn enfer ou comme vn magasin
D'où sortoyent mille feux avec vn bruit ſans fin;
Les Ronces, les Cheurons, les Lances en flamme s'ibroyent
Et mille estoiles ſont dans les nues ſemées.

L'on diroit les voyant que la Thamiſe lait
Comme vn pavé d'argent ou de verre en la noir.

Du fond de l'eau vola vers la voute azurée
Vne Nimphe de feu, qui rendoit eſclairée

La region de l'air par ſon teint lumineux.

Après elle montra vn Dragon crachefeux,
Tachant la deuorer: mais ſoudain vint S. George,

Qui luy fourra ſa lance au milieu de la gorge.

Ce Dragon terrassé fut tost esvanouy.
 Mais le vainqueur piaffe & saute resiouy
 Quelque temps en la nue. A la fin ceste flamme
 Disparut dans le ciel aussi bien que la Dame.

Vn peu apres l'on vit vne aultre invention
 D'une chasse de feu, qui fut occasion,
 Qu'on fit descendre vn cerf du haut d'une montagne,
 Et plusieurs chiens apres: le cerf nage & se baigne,
 Pour eviter la prise: en fin deux ou trois fois
 Attrapé, fut contraint de rendre les abbois.
 Ceste chasse achevée & la nue esclaircie
 Se virent quelques nefs, comme on vse en Turquie,
 Chargées de soldats mescreans & payens,
 Contre qui vont huer quelques vaisseaux Chrestiens.
 Ce qui fut descouvert de quelque forteresse,
 Qui lascha son Canon pour s'en rendre maistresse.
 En fin on vint aux mains on assiege le fort.
 La navire ennemie est ia entrée au port.
 Le chasteau saccagé, on le met tout en flamme,
 Et chacun du dedans rache à sauver son ame.

Ainsi durant ce soir se repeurent les yeux
 Des assistans à voir ces combats & ces feux.
 Le SAMEDY suivant l'on vit sur la Thamise
 Vn beau combat naval, ou le Duc de Venise
 Perdit quelques vaisseaux. Le Galere Turquois
 Y deffit l'Espagnol, mais l'Admiral Anglois
 Leur venant au secours avec quinze pinasses,
 Resta victorieux & prit leurs galeaces,
 Le reste se sauva dedans le fort d'Alger.
 Mais l'Admiral alla soudain les assieger.
 Ou le Turc animé monstra tant de courage,
 Qu'on creust que les Anglois y feroient vn naufrage.
 Toutesfois l'on pressa le fort si vivement,
 Que les Turcs sont vaincus, & le chasteau se prend.

9

Le fort ainsi perdu, le Bascha se va rendre
Tout confus prisonnier au Roy & à son Gendre:
Qui luy donnent sa grace à charge, que sa foy
Luy dira que le C H R I S T est son Dieu & son Roy.

Bref, chacun est en ioye, & toute la iournee
On ne faict que crier lo Hymen Hymenée.

Le lendemain l'Espoux sort du Palais paré,
Ainsi que le Soleil, quand il va préparé
Sur son char triomphal commencer sa carrière,
Pour donner aux humains le chault & la lumiere.

Vn chacun va par ordre à la solennité.
Le grand Duc de L E N O X chemine à son costé,
Le M I L O R D Notingant marche à l'autre, de sorte
Qu'on diroit que la gloire & l'honneur les escorte.
Le R o y s'en vient apres avec toute sa Cour,

L'E s p o u s e suit aussi parée d'un atour
Si riche & précieux, que l'art & la nature
Disputent pour le los de si belle parure:
Et semble que l'Amour, l'Heur & la Majesté
Cheminent à l'enuy à son Royal costé.

Le P R I N C E son cher Frere avec ce brave Comte
De N O R T A M P T O N la meine. Aussi Elle surmôte
Ses Dames en vertu, & Sa Beauté reluit,
Comme Diane au ciel sur les Astres la nuit.
Mesme les rays brillans, que ses deux Soleils dardent,
Esblouyssent les yeux de ceux qui la regardent.
Sa robe de satin surpassoit en blancheur
La neige, & ses loyaux le Soleil en splendeur.
Ses pans estoient portez par quatorzes Comtesses
Habillées de blanc ainsi que leurs maistrèsses

La R E Y N E vient apres, qui n'a moins de beauté,
Monstrant bien estre née avec la Royauté,
Suivie de son train, qui avec la Noblesse
Font paroistre en leur mine vne grande alegresse.

On ne voit que drap d'or, que satin, que clinquant,
 Les perles, les saphirs esclatent quant & quant,
 De sorte qu'on diroit que toutes les richesses
 Des Indes, du Perou reluisent sur leurs tresses.

La Trompette fanfare avecques les clairons,
 On ne voit rien que Ducs, que Comtes & Barons.
 Les plus doux instrumens sonnent leur harmonie,
 Avant que d'achever ceste ceremonie.
 En fin les deux Amans s'estans donne la foy,
 On retourne au Palais. Là où ce puissant Roy
 Traita si richement la noble compagnie,
 Qu'on s'en est estonné par tout la Germanie.

FL'ORE y fut la premiere avecques les odeurs
 La sale parsemer de mille & mille fleurs.
 Hebé couvre la table, & Ceres y apporte
 Le pain, comme Bachus des vins de toute sorte.
 Tes Nayades portans, l'une le plat baksin,
 L'autre l'aiguiere d'or, d'ambre & de cristalin,
 Versent l'eau sur les mains: & les Nymphes Napées
 A faire la salade ont esté occupées.

Diane y apporta sa chasse & son gibier.
 La Nymphé Limpiade, ayant dans son vivier
 Pesché de beaux poissons quasi de toute sorte,
 Dans vn vaisseau d'argent sous son bras les apporte.

Pomone ayant cueilly l'honneur de son verger,
 Leur faict present des fruits les plus doux à manger.
 En fin Liphidriade apporte sur la table
 Des fontaines sans fin d'artifice admirable.
 Et Ganimede aussi, le celeste eschançon,
 Leur donne sur la fin le Nectar pour boisson.

Pareillement Orphée y iouë sur la lire.
 Et Mome y asistoit pour leur donner à rire.
 Puis le docte Apollon avecques les neuf Sœurs
 Charmoit des assistants (par l'aureille) les cœurs.

Incontinent apres le festin on commence
 L'amoureux entretien, le ballet, & la dance.
 Puis Hymenée faict allumer ses flambeaux,
 Et despouiller l'Espoux par les Cupidonneaux,
 Qui meinent l'Espoulee, encor honteuse & passe,
 Honorer ceste nuit la Couche Nuptiale.

Le lendemain l'Espoux lay vint faire yn present
 D'un Carosse dore, tout couuert de clinquant,
 Les rideaux volerans recamez d'un ouvrage
 Qu'on eust dit qu'Arachné y consuma son aage,
 Tout estoit brodé d'or sur vn fond de velour,
 Si beau qu'on n'en vit onc de pareil à la Cour,
 Tiré de six chevaux tous harnachez de mesme,
 Ces ornemens estans d'une richesse extreme:

On croyoit la voyant que quelque Deité
 Fut venue icy bas pour monstrier sa beauté.

Le Prince n'avoit pas moins de magnificence,
 Car tout son train marchoit en fort belle ordonnance,
 Habille richement, & fit voir tout ce jour,
 Que sa grace donnoit à chacun de l'amour,
 L'apres dîné l'on fut combattre à la barriere,
 Où chacun demonstra son adresse guerriere.

On ne fait qu'inventer des jeux, des passe-temps,
 Des dances, des ballets, pour escouler le temps.
 Les lions, les taureaux, les ours & d'autres feres
 Montrent contre les chiens leurs flambrantes coleres.
 Le Sacre, le Lanier, le Gersault, le Faucon,
 Combatent dedans l'air le Milan & l'Heron,
 Et afin que le temps sans plaisir ne se passe,
 Ce grand Roy leur faict voir toute sorte de chasse,
 Confirmant cependant leurs pudiques Amours.

Ayant continué de mesme quelques iours
 Tantost à Hamptoncourt, Grinvich, Vvindelisore,
 Et veu tout ce de beau qui l'Angleterre honore,

Le P R I N C E desirieux de revoir son pays,
 Prend congé de son Pere & de ses favoris.
 Et sa chere moitié, qui sage ne respire
 Que l'honneur d'obeir à tout ce qu'il desire,
 S'en va la larme à l'œil, leur faire les adieux,
 Quittant avec regret ces Palais & ces lieux
 Où l'on a tendrement eslevé son Enfance.
 Toutefois elle sort avec ceste esperance,
 Que l'honneur de regir, & l'Amour conjugal,
 Luy feront oublier son cher pays Natal.

On leur fait des presens: on leur donne conduite:
 On les fait embarquer sur des vaisseaux d'élite:
 En fin l'ancre se leve: on met la voile au vent,
 Qu'on voit en leur faveur peu à peu s'eleuant.

A I N S I s'en va l'ason gaillard avec sa proye
 Neptune Roy des flots, en treillaillit de joye.
 Glaucie, les Dieux marins, & les camus Tritons
 Sonnent dans leurs cornets le los des grands Bretons,
 Panopée, Thetis & l'immense Amphitrite
 Chantent d' E L I Z A B E T H la gloire & le merite.
 Et les Dauphins legers, qui sont roys des poissons,
 S'assemblent à l'entour pour ouyr leurs chansons.

On ne voit point de port, qu'on n'y meine alegresse
 De voir le P A L A T I N emmener la Princesse.
 En quelque lieu qu'on passe, ils se voyent invitez
 Des aller raffraichir es villes & citez.
 Les Amours voletans pres d'eux sur la Marine,
 Comme l'holle Troyen emmenant sa rapine,
 Et le mignard Zephir la Flore entre les bras,
 Comme Orithie en ceux de son cher Boreas.

L O R S que le vent les eust porté insques au fleuve
 Qui les peuples de Leide & d'Ambsterdam abreuve,
 On les fut recueillir en grand solennite.

Là les plus beaux esprits de l'Vniuersité
 Desployent devant eux leur diserte eloquence,
 Et souhaitent tout heur à si belle alliance.
 Les autres Hollandois, bien experimentez
 En l'art de naviger, leur ont representez
 Quelque combat naval avec fen d'artifices.

Mais, estant à la cour du grand Prince MAYRICE,
 Rien ne fut espargné pour les bien accueillir,
 Tachant de les traiter & de les resioyr
 Selon leurs qualitez, leurs vertus & merite.
 En fin on leur donna asscurée conduite
 Iusqu'au P A L A T I N A T. O que de joyeux cris
 Letterent ses subiects, quand il vint au pays!

C H A C V N s'habille brave, & zélé se prepare
 De monstrier ce qu'il peut & ce qu'il sçait de rare.
 Les velles, les Bourgois, leur vont tous au deuant,
 Parez d'estoffe riche, & leur voix eslevant
 Iusqu'au Ciel, resmoignant la joye & l'alegresse
 Qu'ils recoivent de voir leur Prince & leur Princesse.

On enuoye vng vaisseau, pour la faire venir,
 Tresrichement paré, remply de tout plaisir
 Et de commodité. La musique & peinture
 Deffioit là dedans les traits de la Nature.

B A C C H A R A C la premiere a receu cest honneur,
 De voir & d'accueillir son Prince & son Seigneur,
 Et de luy presenter dans vne coupe ronde
 Du vin de son terroir le meilleur cru du monde.
 Aussi ce ne fut pas sans raison, que Bacchus
 Y choisit son Autel, cognoissant ses vertus.

La ville d'OPPENHEIM ne fait moins de parade,
 Rettenant pour vn soir ses vaisseaux à la rade.
 Mais principalement ceux là de F R A N Q V E D A L
 Firent à son honneur l'Accueil presque Royal:
 Representant fort bien au lieu de feu de joye,

La conflagration de la cité de Troye,
Avec ce grand cheval, qu'Vlyſſe cauſeleux
Inventa pour entrer chez eux Victorieux.

Mais à l'heure qu'il vint à faire ſon entrée
En ſa Cour d'HERBESBERG, qui étoit préparée
De tous les ornemens qu'on peut ſ'imaginer,
L'on n'eût pas eſché du ſoudre bôut d'ôhner,
Tant le bruit étoit grand de canons, de bombardes,
De Salues de mousquets, cliquetis d'haiebardes,
Cris & ris d'allégreſſe, & des hennissements
Des ſuperbes chevaux, qu'on oit à tous momens.
La Nobleſſe & le peuple en fort belle apparence
Luy vont treſhumblement faire la reuerence.

L'on avoit ordonné ſur les poudreux ſillons
Vn beau camp compoſé de deux grands barailions,
Si bien qu'en ſe éloquans l'on eût dit que la guerre
Monſtroit ſa fureur ſur ſa paisible terre.

Elle paſſe parmy ces ſomptueux portaux,
Qu'on a dreſſé pour elle. Et ces atcs Triumphaux
Retiennent pour vn temps ſon eſprit & ſa veue.
Tout eſt bordé de gens, les fenêtres, la rue,
Admirans ſa beauté. Auſſi certe on n'a pas
Veu que bien rarement ſa pareille ici bas.
Tout eſt peint & poſé par ordre & bonne grace.
Là ſont repreſentez les Heros de leur race,
Les dons & les vertus dont Dieu les a douez,
Et les plus beaux exploits dont on les a louez.

Le ſoir eſtant venu, voſta qu'on recommence
Derecheſſes balquets, & les jeux, & la dance;
Croÿant que l'Allemagne euſt ce coup entrepris
D'avoir ſur l'Angleterre, & l'honneur & le prix.

Le lendemain le Prince entre dans la caſſiere,
Ou tous les grands Seigneurs d'une force guerriero
Coururent à l'encontre, armez de leurs harnois

Du pied iusqu'à la teste, & rompirent leur bois, li
 Hardis l'un contre l'autre. Or la lance tronquée
 Ils s'aquerent soudain la main à leur épée, li
 Chamaillant brayement, de sorte qu'on eust dit
 Qu'à bon escient s'estoit vn Martial confit.

Là le Marquis d'ANSPACH fut premier en la lice,
 Et le Prince d'ANHALT prompt à cest exercice.
 Son Nepveu le suivoit, qui estoit escoté
 Du Comte Henry de SOLEMS, & à l'autre costé
 Le Baron de CREHANGE. Apres on vit paroistre
 Le Comte de MANSFELD qui s'y fit bien cognoistre.
 On remarqua fort bien en FLECKESTEN aussi,
 Que le mestier de Mars estoit tout son soucy.
 Le Duc de VVRTEMBERG vint après Magnifique
 Avec le Comte CRAFT, estimé fils unique
 De Mars & de Venus. Le troisieme estendant
 Estoit des PALATINS, de qui la force & l'armie
 Fut alors estimée. On remarqua de mesme
 LIGNANGE & de DHONA, pleins d'un courage ex
 GYNTROT & HELMSTET y ont aussi faict veoir
 Tout ce qu'un bras nerveux a de force & de pouoir.

Ils coururent vn contre vn, après l'on les vit battre
 Trois à trois, cinq à cinq, & quatre contre quatre,
 A la fin tous ensemble. Et celui qui fit mieux,
 Emporta le laurier & vn don précieux.

Le iour d'après l'on vit sa Triomphale entrée
 Dessus la nef d'ARGOS richement accoutrée,
 Triomphant tout ainsi que le brave IASON,
 Quand in vint en Thessale avecques sa Toison.
 Le grand Duc des DEUX PONTS Pelée representé,
 Dont l'ason esprouva l'amitié si constante.
 Qui durant son jeune aage a receu cest honneur,
 D'estre Vice-Electeur, mesme Vice-Empereur.
 Ayant si bien regy ceste grande Province,

Qu'il en emporte vn nom de bon & sage Prince.

Après celuy d'ANHALT au costé gauche estoit,
Que le preux THELAMON brave representoit:
Et sembloit que ce Prince habillé de la sorte,
Fut vn aultre ALEXANDRE, ou vn CÉSAR, qui porte
Peinte dessus son front la gloire & la valeur,
Et pour ses ennemis la crainte & la terreur.

Les maréchaux de camp, les clairons, les trompettes
Marchent premierement en bon ordre à leurs testes.

Puis arrive PALLAS sur son chariot d'or,
Qui assista Iason au gain de son thresor.

Deux jeunes Dragonneaux demy volans le tirent,
Et leurs horribles cris font que tous les admirent.
Elle porte en sa dextre vne lance, & l'escu
A son gauche costé, tesmoignant sa vertu.

Celuy qui contrefait ainsi son personnage,
Est l'aisné fils d'ANHALT, Prince jeune, mais sage,
Qui promet d'augmenter par ses faits vertueux
La gloire qu'ont acquis son Pere & ses Ayeux.

Pres d'elle va marchant le doux parlant MERCURE,
Qui tient son Caducée en sa main, & conjure
Sa guerriere Maistresse, & tous les aultres Dieux,
De demeurer vng temps en ces terrestres lieux.

Puis le prudent CHIRON (d'ont la sage doctrine
Forma si bien Iason dez son aage enfantine,
Que par son bon conseil & ses aduis prudens
Il passa valeureux maints dangers evidens)
Vient paroistre en son rang avec sa forme estrange
D'homme demy-cheval, ayant ceste loüange,
Que sa masse & son livre en sa main vont prouuant,
Comme il est tout ensemble & vaillant & sçavant.

Il est aussi monté sur vne rude roche,
Monstrât qu'à ses vertus bien peu de mode approche.

APRES luy vient LYNON, l'Espouse de Iupin,

Trainée

Trainée dans son char tout fabriqué d'or fin,
 Par ses paons orgueilleux, d'ont la queue admirable
 Est parée des yeux d'ARGVS le misérable.

C'est il qui la représente avecques sa grandeur,
 C'est le P R I N C E puisné F R E R E de l'Electeur;
 Si mignon, si ioly, de qui desia l'adresse
 Promet, qu'il ne sera des moindres en prouesse,
 Et son bon naturel & vertueuses mœurs
 Luy feront illustrer tous ses Antecessours.

I R I S, sa messagere, en qui elle se fie,
 Chemine à son costé, promettant que la ploye
 Ne destournera pas son voyage entrepris,
 Puis que la mer, les vents, & l'air luy sont amis.

Aussi ce fut lunon, laquelle fit largesse
 De son Autorité, comme de sa Richesse,
 Et donna des bons vents à ce brave Iason,
 Quand il fut conquerir la Colchide Toison.

N E P T Y N E suit apres, dont la Majesté brave
 Marche dessus la Mer, comme dans vne naye,
 Vng pied dans sa coquille, & l'autre sur les flots;
 Conduisant d'une main ses my-poissons chevaux,
 De l'autre son Trident, avec quoy il arreste
 A toute heure qu'il veut l'orage & la tempeste.

Ce fut aussi par luy, que s'y heureusement
 Son navire cingla sur l'humide element.

GLAVQUE, le Dieu Marin, n'en est pas loing, qui porte
 En sa main le Miroir, d'ont il prevoit de sorte,
 Qu'on ne luy peut cacher rien des evenemens.

Des conseils, que les Dieux prennent à tous momens.

Ce fut luy qui donna à Iason le courage
 D'entreprendre hardy ce renommé voyage,
 Et predict veritable, avec quelle façon
 Il conquerroit heureux la dorée Toison.

A P R E S viennent Castor, Pollux, Admete, Ancée,

Melagre, Oileus, dont la gloire est tracée
 D'un soc diamantin, qui seillonna les champs,
 Où Iason sema les Serpentes dents,
 D'où naquit à l'instant vne gendarmerie,
 Qui perit aussi tost par sa propre furie.

Ayant ainsi domtez ces Taureaux pieds d'airain,
 Qui cracherent le feu, ils les meinent en main,
 Et devancent Iason, pour maintenir sa gloire,
 Comme assenrez tesmoins de sa belle victoire
 Contre ces voluptez & des vices mortels,
 Qui les suivent captifs, comme des criminels.

Dont l'un est Paresseux, & l'autre est Hypocrite,
 L'autre Faute de cœur en guerre prend la fuite,
 L'autre est par trop subject à la Temerité,
 L'autre bouffi de fiel est toujours Irrité,
 L'autre estant offensé demande la Vengeance,
 L'autre goulü glouton ayme l'Intemperance,
 L'autre remply d'Orgueil, l'autre Luxurieux,
 L'autre trop Inconstant change de lieux en lieux,
 L'un dangereux Flateur, l'autre plein de Folie,
 Et l'Avaricieux a sa propre manie.

Après vient le DRAGON, messager du trespas
 A tout aventurier, qui franchissoit le pas
 D'une Temerité par trop demesurée,
 Pour aller conquerir ceste Toison dorée.
 Il veilloit nuit & jour: & toutesfois Iason
 Le sceut bien assopir par vn dormant poison.

Il marche en ce triomphe enormement horrible,
 Jetant des feux ardens avec vn cry terrible.

Après viennent nageans sur les paisibles flots
 Les SIRENES, chantans des Amoureux propos,
 Pour endormir Iason, & au son de leur lyre
 Le faire submerger avecques son navire.

Mais ORPHEE, qui suit, cognoissant leurs humeurs,

Don

Donne vn contrepoison aux mortelles douceurs
 Par ses saintes chansons, qui penetrent l'aureille
 Et l'Esprit de Iason, causant qu'il ne sommeille.

APRES s'en vient cinglant la Navire d'Argos,
 (Suivie de Dauphins nageans en mesme flots)
 Toute couverte d'or d'ouvrage magnifique,
 Et d'ont l'Arbre fatal d'une voix prophetique
 Miraculeusement chante l'heur & l'honneur,
 Qui doit accompagner son Prince & son Seigneur
 En ses iustes desseins, en la chose publique,
 En sa race, en ses biens, en son train domestique.

Au milieu de la Nef est pendu ce Thresor,
 Ceste riche Toyson, ce loyan de fin or,
 Qui du preux Iason fut la conquête & la proye,
 Les masts d'or & d'argent, les voiles sont de soye.

Et ce brave Argonaute est ainsi qu'un Lion
 En pompe avec Pelée & le grand Thelamon.

APRES vient PELIAS, ce Traistré qu'on abhorre,
 Ce pervers Envieux, qui maintenant devore
 Son cœur à belles dents, le destin execrant,
 Qui a tant donné d'heur à Iason son parent.

Il deteste Pallas, Iunon; Chiron; Neptune,
 Glaucque, Orphée, qui ont avancé sa fortune.

En fin ne pouvant plus survivre son malheur,
 Se maudit & tous ceux qui en vient l'honneur
 Que l'on fait à Iason. Ainsi ceste farie
 Luy fait perdre le sens & l'honneur & la vie.

APRES luy vont sautans les superbes chevaux,
 Qu'on meine pour monter ces trois braves Héros,
 Qui soustiennent chacun d'un assésuré courage:

1. Que jamais Cavalier, s'il n'est vaillant & sage,
 N'oseroit entreprendre ou vaincre par effort
 Tel hazard perilleux, comme l'Ason a fait:

2. Qu'on ne peut iustement se vendiquer de gloire,

- Si l'amour sur nos cœurs n'a premier la victoire:
 3. Que se vaincre soy mesme est la grande vertu,
 Et le plus grand laurier, que iamais on ait eu:
 4. Que lors qu'o s'est vaincu soy mesme, on peut paro-
 Touliours victorieux, & son honneur accroistre (Ar-
 Es lieux plus dangereux sans crainte d'Atropos:
 5. Que le riche Thresor, qu'il conquit en Colchos,
 Excelle sur tout autre en valeur & merite:
 6. Que la capacité d'un aultre est trop petite
 Pour oser, comme luy, publier sa valeur,
 Et qu'il merite seul de posséder son cœur:
 7. Qu'en si belle entreprise, & succès favorable,
 Palée & Thelamon d'un courage admirable
 Ont assisté l'a s'on, plus qu'aucun de tous ceux
 Qui se sont hazardé en ces lieux perilleux.

A P R E S ce beau Triomphe & entrée pompeuse
 Vient le Marquis d'ANSPACH, dont la glorie fameuse
 Le fait représenter à bon droit le Dieu MARS
 S'estant monsté vaillant parmy tant de hazards.

Le premier de son train est le robuste HERCULE,
 Dont le cœur amoureux pour son Omphale brûle,
 Qui vient rendre à la son l'honneur qui luy est deu
 De l'avoir surpassé en gloire & en vertu.

Les Cavaliers de MARS viennent apres en armes,
 Qui monstrent sans flâter qu'ils sont vaillans gendar-
 Présentant leur service aux Dames de la Cour, mes,
 Et s'offrant au combat pour gagner leur Amour.
 Dont l'un est le MARQUIS, Prince plein de louange,
 L'autre un Comte de Solms, & l'autre de Créhange,
 Tous dignes d'estre ayntez des plus rares beautez:
 Tant ils sont accomplis de belles qualitez.

Peu apres le Dieu MARS, qui de pres les talonne,
 Menant dessus son chat les armes de Bellonne,

Est trainé des coursiers, qui ne respirent rien
 Qu'à servir aux combats ce grand Dieu Thracien.
 Il vient paroître icy pour augmenter la gloire,
 Que merite l'ason pour sa belle victoire,
 Soustenant: 1. Que l'Amour aide seul aux guerriers:
 2. Et que sans Loyauté fletrissent les lauriers.

La chaste PENELOPE avecques son ouvrage
 Qu'on desfaisoit la nuit, vient aussi faire hommage
 A ceste grand' Princesse, & conceder l'honneur
 A sa chaste beauté, sa grace & sa douceur.

Les MUSES vont apres, qui ont quitté Parnasse,
 Le saint mont d'Helicon, & le cheval Pegase,
 Pour venir habiter dessus le mont SACRÉ,
 Où ce siege Royal, qui leur est plus agré;
 Affin de mieux chanter la louange immortelle,
 D'ont on doit honorer leur Princesse si belle,
 L'ayant choisie au lieu de leur docte Phœbus,
 Comme ayant plus que luy de grace & de vertus.

APRES les Cavaliers de VENVS. apparoissent,
 Qui voyans les beautez des Dames, recognoissent,
 Que la seule Angleterre a merité le prix
 Sur toutes Nations, qui sont soubz ce pourprix,
 A cause des beautez & graces de ses Dames,
 Qui font naistre en leurs cœurs tât d'amoureuses flâ

L'vng de ses Cavaliers & le plus estimé, (mes.
 Est le Prince d'ANHALT, qui doit estre nommé
 Adonis en amour, & en guerre vng Persée,
 Là où il a desia tant de gloire amassée.

Ses aultres compagnons sont ainsi comme luy
 Prompts à l'vn & à l'autre, & monstrent ce jourd'huy,
 Que les RHINGRAVES sont des Cavaliers d'eslire,
 Et que les FLECKESTEIN n'ont pas moins de merite.

VENVS. arrive apres sur son char argentin.
 A ses pieds est assis ce petit Dieu mutin,

Qui porte à son costé vn carquos plein de flesches,
Et la mere en sa main vn cœur plain de flamesches:
Auquel son fils cruel semble butter ses traits,
Sans se monstrier esmeu de ses tristes regrets.

Au derrier d'elle sont assises les trois GRACES,
Tachant de persuader à l'Amour, que les traces
Que luy marque l'honneur, sont les plus beaux sentiers
Qu'at se deuroit choisir pour planter ses lauriers.

Or Venus descendant du chariot, s'adresse
Avec sa pomme d'or vers la belle Princesse,
Luy disant, qu'Elle seule avoit mieux meritè
Ce glorieux present qu'aucune aultre beauté.
Et luy ayant donné, soudain elle s'avance
Vers les Dames d'honneur, leur donnant cognoissance
Du pouvoir, que son fils & elle ont sur les cœurs,
Qu'e fin elle apperçoit q' leurs beaux yeux vainqueurs
Ont emblé de l'amour les dards & les sagettes,
Desquelles il souloit les rendre ses subiectes,
Et qu'elle a commendé à tous ses Cavaliers
De faire confesser à tous Adventuriers,
Armez de leurs faveurs. Que la Beauté surpasse
La Richesse, en honneur, en merite & en grace:
2. Qu'un bel œil & la grace avec la loyauté
Des Dames d'Angleterre, ont seules meritè
D'emporter le laurier, le prix & la couronne,
Sur toutes les beautés que le ciel environne.

APRES son chariot marchent superbement
Leurs beaux chevaux pavez d'un trestriche ornement.

LE DUC de VVRTEMBERG fait apres son Entrée
D'une aultre invention richement accoutrée.
C'estoit ARTOURIST des vieux Sueves le Roy,
Le Fidele CONRAD, & L'YPOLD sans Effroy,
ERUA FRIDE le Pieux, & bus quatres Ducs & Freres,

S'en viennent triomphans, cōme foudres de guerres.

Après marche le RHIN, le Danube, & le Doux,
Et le NECRE, qui sont les fideles Espoux

De la Voguesse, Abnobe, Hercinie & Constance,

Qui s'en viennent suivis du Dieu PAN, qui s'avance

Monté dessus un bouc, menans quelques pasteurs,

Avec le mont Parnasse assiegé des Neuf Sœurs,

Sur lequel presidoit Diane, & les trois Graces,

Et le docte Apollon, qui contemploit leurs faces:

Soutenans: 1. Que la Gloire acquise en leur maison,
Pouvoit bien seconder celle là de IASON:

2. Qu'un Intrepide cœur la fortune gourmande,

Et se trouve tousiours ou la Vertu commande:

3. Que la seule Vertu prend son loyer de loy,

Ne la mandiant pas de Prince ny de Roy:

4. Que la Sincérité dissipe les nuages

De l'envie, qui sert à la vertu d'ombrages:

5. Que les yeux amoureux penetrent toutes choses:

6. Que des Dames l'honneur rend les gloires encloses

Dedans la conscience, & ne se fasche pas

Des bruits que fait courir le vulgaire icy bas:

7. Que la Sympathie est le lien & la chaîne,

Avec lequel Amour les braves cœurs enchaîne.

Ce qui fut très bien fait tachant à qui mieux mieux
Des Dames contester & l'esprit & les yeux.

LE soir on fait des feux d'un estrange artifice,

Qui vont jusques au toict du celeste edifice,

Pour dire aux immortels le plaisir & soulas,

Que les Princes Germains reçoivent icy bas.

LE LENDEMAIN parust en ceste belle plaine

Le puissant Dieu BACCHVS, de qui le char se traîne

Par deux fiers leopards. Puis SILENE monté

Sur son asne criard le suivoit, esdorté

Des Bacchantes, dont l'œil forcené fait paroistre

Qu'il

Qu'elles ont pris par trop desliqueurs de leur maistre.

Vn SATYRE y estoit puor y punir l'orgueil
Du pauvre MARSIAS, qui forgea son cercueil,
En voulant exalter son chalumeau rustique
Sur le luth d'Apollon & sa docte Musique.
Car il fut escorché. Et MYDAS l'Ignorant
Eust des aureilles d'asne, en le favorisant.

Aussi la RENOMMEE y marchoit la premiere,
Qui alloit racontant ceste plaisante Histoire,
MUSEE, Orphée, Eumolpe, y sont comme parrains,
Qui de ses beaux exploits seront les escrivains:

MERCURE que l'on tient pour le Dieu d'eloquence,
Estoit suivi d'HERCVLE avec sa force immense.

A P O L L O N y portoit les Graces en sa main.
Et les M V S E S aussi se trouvent en son train.
Ce qui veut enseigner: Que les braves courages
Portent autant de faveur aux prudens & aux sages,
Qu'aux experimentez aux perilleux combats,
Et que la V E R T U seule est franche du trespas.

Les trois autres suyvās sont P O M O N E, Hymenée,
Et le mois I V N I V S, le plus beau de l'année.
Zephyre avec sa Flore, & le Dieu Vertumnus,
S'y trouverent aussi, comme enfans de Bacchus.

Le Prince C A S I M I R E estoit la Renommée,
Qui le los de I A S O N sur la terre a semée.

Et le brave Apollon, Roy des Neuf doctes Sœurs,
Estoit son frere I E A N, Prince plein de valeurs.

Le bon Bacchus estoit le Comte de L I G N A G E,
Et celuy de N A S S A V V Mercure au doux langage,
Pour Iunius c'estoit celuy de L E V V E N S T E I N,
Et Hymenée estoit celuy de R A P O L S T E I N.

Le Baron de D O N A V V estoit Flore. Et Vertomme
Estoit ce G V I N T E R O T, l'un des fils de Bellonne.

P E B L I T S estoit Silenc, O B E R T R A Y T Zephyrus.

Qui

Qui monstrent ce coup l'effect de leurs vertus,
 Soustenans: 1. Que qui croit, que l'Amour legitime
 Ne soit sur toute chose en prix & en estime,
 Merite de porter la honte de Mydas:

2. Que qui croit y avoir de plus digne icy bas,
 Que le vray maniment des Armes, la Justice
 Luy doit faire sentir la peine & le supplice
 Du pauvre Marfias: 3. Que le regle plait
 Si bien aux Cavaliers, & qu'on le doit choisir:
 Et que la joye n'est parfaite & accomplie,
 Si Bacchus & Hymen ne sont en compagnie.

P E U de momens apres furent tost escoulez,
 Qu'on vit venir au camp quatre T E T O N S brulez,
 L'une estoit BENNIGHAVSE, à qui Panthasilee
 Avoit presté sa robe, & sa grace meslee
 D'adresse & de vertu, de force & de beauté,
 Et marchoit comme Roïne, ayant à son costé
 Trois Dames de grand cœur, ses chères favorites,
 CERCONE, Bremusa & Alcibe, agguerites:
 Menans courtoisement chacune vn Cavalier,
 Qu'elles ont estimé le plus brave guerrier;
 Comme Persinous, le genereux Melippe,
 Le vaillant Mollion, & le brave Elasppe:
 Assurez toutesfois d'avoir leur liberté,
 S'ils confessent par tout, qu'un Amour arresté
 Dedans deux nobles cœurs, apres Dieu se peut dire
 Estre le plus grand bien qu'un bel esprit desire.
 Et c'est l'occasion, qu'ils ont tous entrepris
 D'emporter à la lice & l'honneur & le prix,
 Soustenans courageux contre tous avec elles:
 1. Que Dieu & la Nature ont doié les Femelles
 De bien plus d'ornemens de beauté & d'attraits,
 Que les autres humains: 2. Qu'elles sont les subiects
 D'où derivent les biens tant du corps que de l'ame:

3. Que l'on ne peut oster cest honneur à la femme,
Que sans elle la vie, & l'heur, & le repos
Ne peuvent subsister ny recevoir de los;
4. Que la Dexterité, la Vertu, & l'Adresse,
Coule au cœur d'un chacun des yeux de sa maistresse:
5. Qu'en fin elles ont eu de tout tempsce pouvoir
D'avoir autorité sur ce qui se peut voir.

APRES vint BAIAZETH, cest Amurath si brave,
Ce Selim qui rendit la Grece son esclave,
Acmet & Mustapha, faisant paroistre au camp
Qu'un vaillant cœur se peut cacher sous le turban.

L'un estoit le Duc JEAN ce brave CASIMIRE,
Qui a ia des vertus que tout le monde admire:
Puis le Prince d'ANHALT, qui fera voir vn jour
Qu'il est propre à la guerre aussi bien qu'à l'amour.
L'autre vn Cōte de Solms. Le suivant vn Rhingrave,
Vn Comte d'Isenberg, & Crehange le brave.

Puis vint FORTVNATVS, ce brave Cavalier,
Qui en heur surpassa Renault & Isolier
Roland & Ferragu. C'estoit ce RIBAVPIERRE,
Qui s'est faict renommer par sa dextre guerriere.

Plusieurs autres encor, dont le train orgueilleux
Pourroit trop ennuyer les esprits curieux.

Le jour suivant l'on vit entrer en la carrière
Des Cavaliers boufis, qui donnerent matiere
De rire aux assistans; au combat invitez
Sur des petits chevaux croesquement montez.
Le Cuveau est leur casque, & le foin leur cuirasse,
Fagotez tout ainsi qu'une large besasse.
Qui culbutez en bas de leurs petits chevaux,
On eust dit que c'estoit des venimeux crapaux.

QUEL QUE autre jour apres les Princes vōt en lice,
Monstrant aux spectateurs vn louable exercice,
Pour animer nos cœurs d'aller exterminer

L'ennemy des Chrestiens. Vous leur voyez donner
De la lance dans l'œil de ceste teste peinte,
Que l'on plante pour bute à leur gaillarde atteinte,
Aupres de la barriere, & s'en vont glorieux
Monstrer aux assistans leur bras victorieux.

Puis retirant les dards cachez dessous leur cuisse,
En percent vn autre Turc perché pres de la lice.

Ià ce Turc confilé, l'on prend le contelas,
Donnant vne estocade à l'autre mise à bas.

Ce qu'estant achevé, l'on prend vne aultre lance
Ferrée par le bout, pour courre à toute outrance,
Contre le corps ou l'œil de ce pauvre facquin,
Qui fut de leurs esbats & des combats la fin.

FINISSEZ donc aussi vous Muses si mignardes,
Qu'on ne vous preigne pas pour des pies languardes,
Concluant par les vœux, que le peuple avec vous
Fait d'une ame devote à l'Espouse & l'Espoux:

Que vous puissiez tousiours, ô Prince debonnaire,
Oultre le temps qui est aux humains ordinaire,
Vivre avec vostre Espouse: & que de Vos Amours
On puisse voir des fruits, qui finissent leurs jours
Chargez d'heur & de gloire alors que la Machine
Du monde veillera sa prochaine ruine:

Que comme vous avez succé la Pieté
Avecques la mamelle, & que Vostre bonté
A esté cultivée au temps de Vostre enfance;
Qu'ainsi durant les jours de Vostre adolescence,
Vous soyez renommé de mille aultres Vertus,
Et rendiez sous vos pieds les vices abbatus:

Que le bonheur d'Auguste, & le los d'Alexandre,
La valeur de Cesar, facent vn jour entendre,
Qu'ils ont lougé chez vous: Et que l'iniquité,
La fraude, la malice, & l'orde volupté,

Preignent quartier ailleurs; & que la jalousie
Montre loing de chez vous la rage & la furie:

Qu'une douce concorde & l'amour-mutuel
Ayt de vostre maison le soing perpetuel:

En fin que vous puissiez survenant la vieillesse
Voir rajeunir vos cœurs en la verte jeunesse.

De vos beaux reiettons: Et que durant vos ans
La paix puisse fleurir chez vous & vos Enfans:

Mais si on l'interrompt, que tousiours la victoire
Soit de vostre costé; & vous donne la gloire:

Afin que vostre los soit l'argument des vers
Des Poëtes plus fameux de tout cest Vnivers.

F I N.



LES
TRES-RARES
MAGNIFICENCES,
TRIOMPHES, ET
CEREMONIES, DE
fort belles & nouuelles
inuentions,

FAIGTES EN ANGLETERRE,
pour la Solemnité du Mariage

De Monseigneur le Prince

FRIDERIC V.
COMTE PALATIN
DV RHIN, ELECTEUR DV
S. Empire, Duc de Baviere, &c.

Et de Madame

ELIZABETH,
FILLE VNIQUE
ET PRINCESSE D'ANGLE-
TERRE, Electrice Palatine du
Rhin, &c. Son Espouse.



A LYON,
PAR IAQVES MALLET.

M. DCXIII.

AVEC PERMISSION.

THE STARS

MAGNIFICENT

OF THE

OF THE

OF THE

OF THE

OF THE

OF THE

OF THE

OF THE

OF THE

OF THE

OF THE

OF THE

OF THE

OF THE

OF THE

OF THE

OF THE

OF THE

OF THE

OF THE

OF THE

VOEV DE TOVTE L'ASSEMBLEE, SVR L'HEVREUSE ARRIVÉE, & pour la Prosperité de la Serenissime Princeſſe de la Grand' Bretagne, Electrice Palatine.

L'Heur: Le Royal Amour: Le Destin: La Sageſſe:
D'Auguſte, de Fridric, du Ciel, du puiffant Dieu,
Conduiſe, aille attiſant, guide, garde en tout lieu,
Ta maiſon. Ton ſainct feu. Tes deſſeins. Ta Jeuneſſe.

L'Eſprit: La Chaſteté: Le Bon-heur: L'Abondance,
De Pallas, de Daphné, de Rhée, de Junon,
Eſclaire, aille augmentant, ſuiue, emplisse à foiſon,
Ta belle ame. Ton loſ. Ton liēt. Ta demeurance.

La fleur: Le doux Zephyr: Le fruit: La froide glace,
Puiſſe orner, rafraîſchir, contenter, eſpargner,
Au Printemps, en Eſté, en Automne, en Hyuer,
Ton chef. Ton tendre corps. Ta faim. Ta belle face.

En ſomme, le clair feu: L'air: L'eau: La terre amœne,
Par ſa chaleur, ſon vent, ſa liqueur, ſa moiſſon,
Renforce, porte loin, arrouſe, face bon,
Ton Naturel. Ton loſ. Ta beauté. Ton domaine.

D I X A I N.

Pour la Conclusion.

M A D A M E

L'ELECTRICE.

LE PALATINAT eust fait voir
Plus de pompe, & plus d'allegresse,
Qu'elle n'a fait à recevoir

VOSTRE Serenissime ALTESSE.

Mais elle garde ce deuoir,
Et tache encor de concevoir
De plus grande Magnificence,
Pour l'enfantier, quand le Destin
Fera qu'un PETIT PALATIN
Prendra de VOVS DEUX sa naissance.

PERMISSION.

IL est permis au S^r Jaques Mallet d'imprimer le present livre, avec deffenses à tous autres en tel cas requises.
Fait à Lyon, le dernier Oëtobre 1613.

SEVE, Lieutenant General.



VERITABLE RECVEIL

DES TRIOMPHE ET CERE-

MONIES FAITES EN ANGLETERRE

pour la Solemnité du

Mariage

De Monseigneur le Prince

FRIDERIC V. COMTE PALATIN

DV RHIN, ELECTEUR DV SAINT

Empire, Duc de Baviere, &c.

Et de Madame

ELIZABETH, FILLE VNIQUE ET

PRINCESSE D'ANGLETERRE, &c.

Son Espouse.

E S T pour les esprits curieux, que l'esbauché icy le tableau des triomphes & reſonſſances faites pour la ſolemnité du Royal mariage de Monſeigneur le Comte Palatin, FRIDERIC V. Electeur du S. Empire, & de Madame ELIZABETH, Fille unique & Princesse d'Angleterre, ſon Espouse.

Ce fut apres vne eſpeſſe nuée de triſteſſe (à cauſe de la mort du Prince de GALLES, ſon frere) que l'on vit quelques rayons de jôye pour ceſte ſolemnité. Auſſi vous ne verrez qu'un eſchantillon de ce qui ſe pouvoit faire de magnificence, ſi la playe n'eût encor ſaignée tout fraîchement.

L'ON commença le Ieudy gras au soir, qui fut l'onzième de Februrier de l'an M.DCXIII. à faire des feux d'artifice sur la Thamile à Londres, devant le Palais Royal, ou toute la Cour estoit placée, chacun selon son rang, pour en recevoir le plaisir.

PREMIEREMENT se fit vne salve d'une quantité de doubles Canons & aultres Pieces, dont le bruit surpassoit celuy du tonnerre, quand il esclatte. En mesme instant l'on vit monter vne fusée si hault en l'air, que les yeux des spectateurs la perdirent de veüe.

En second lieu elle fut suivie d'autres de la mesme sorte, toutesfois differentes en ce point, que voulant finir, elle jetterent tant de bûchettes, qu'il sembloit que les nues fussent parsemées d'atomes, & qu'il ce fit vn combat d'estoilles feintes contre les veritables: les vnes desquelles estoient faictes de 36. livres de poudre, les autres de soixante. Et ce pendant que durait ce spectacle, l'on entendoit la Musique de Bellonne composée de Couleurines & Pieces de Campagne, qui donna du contentement aux spectateurs.

INCONTINENT apres se vit vn estrange Artifice de feu, volant en l'air, semblable à vn Dragon. Contre lequel apparut vne aultre Image de feu, ressemblant à vn S. George à cheval avec la lance en l'atrest, qui attaqua ce monstre, Lequel luy venant à l'encontre, ce fit vn combat entre eux, qui dura l'espace d'un grand quart d'heure, en la presence d'une Pucelle de feu, qui attendoit la fin du combat, jettant vne grande clarté. En fin le Dragon vaincu, il rendit vn cry horrible, comme d'un foudre esclattant, puis mis en pieces il s'esvanouyt. Mais le victorieux Champion avec son cheval flambant fit paroître, qu'il restoit victorieux.

APRES on ouyt vn bruit de Canonades, qui remplit quasi tout l'air d'environ, de fumée & de feu. Sou-

dain l'on vit sortir du creux d'une montagne, bastie sur le fleuve, vne luisante estoile, suivie d'une multitude de fusées, qui dansoyent en l'air au son de la Musique des enfans du Chœur de la Deesse des guerres.

Hors de ceste montagne sortit vn aultre artifice d'un Cerf de feu, qui couroit sur l'eau, comme s'il eust esté pressé de plusieurs chasseurs. Peu apres sortirent du mesme lieu vne meute de Chiens courans, de la mesme matiere, poursuivans ce Cerf, çà & là faisant plusieurs tours & sauts en l'air, comme si s'eust esté en la campagne. Ce qui demonstra, jusqu'ou, ce peut estendre l'esprit de l'homme à contrefaire la nature avec vne matiere si estrange.

L'AIR devenu serain, l'on vit cingler (comme si ce fust en plaine mer) quelques Navires & Galleres, chargées de forçats & de Soldats, qui representoient vne flotte Chrestienne, qui venoit donner le gäst sur la frontiere des Turcs. Laquelle fut descouverte par la garnison de deux Forteresses, munies pour repousser les incursions des ennemis. Lesquelles ayant envoyé vn advertissement d'une volée de Fauconneaux, qu'ils se tenoient sur leur deffence, leur fut respondu de l'autre part d'une façon plus furieuse, en les attaquant & combattant valeureusement, de sorte qu'on eust dit, que l'eau, le feu, & l'espée disputoient pour avoir la plus grand part de l'honneur. Echo donnoit la victoire au Canon, qui faisoit plus de bruit. Mais les Juges donnerent la palme à l'espée des Chrestiens, qui allorent saccager les Chasteaux jusqu'au fondement, avec l'aide du feu, qui reduit les habitans à telle necessité, qu'ils furent contrains d'aller chercher ailleurs refuge à leur vie.

Le vendredy donna loisir au Sammedy, de se preparer pour donner d'avantage de passer temps aux Pairs

ces. Car entre deux & trois de jour, l'on vit arriver vne Caravelle Venitienne, qui orgueilleusement cingloit à baniere desployée à la veüe de dixsept Galleres Turques eschouées proche de Lambeth. Qui la voyant, se ruent sur elle, comme vne meute de chiens apres vne biche timide. Et apres vne longue deffence fut en fin acrochée, prise, & emmenée au port d'un Fort, qui representoit celuy d'Alger, muni de 22. grandes pieces de Canons, qui estoit basti du costé de Lambeth, à la façon qu'on le voit en Turquie.

Si tost que les Galleres eurent pris le vaisseau Venitien, & qu'ils l'eurent delivré à l'Admiral des Turcs, ils jetterent leur veüe sur vne Galeasse, qu'on recogneust estre Espagnole. Laquelle apres avoir rendu le combat assez couragement, fut en fin prise, & menée avec vn bruit triumpgant à l'Admiral Turquois.

SOVDAIN apres l'on ouyt vn tonnerre de Canonades, pour avoir descouvert vne flotte Angloise de quinze voiles, des pinasses de sa Majesté. Lesquelles à leur arrivée (comme on a accoustumé aux incursiõs) mirent le feu dans vne tour, que les Turcs avoient basti non loing de leur fort. Ce qui avoit donné l'alarme au chasteau d'Alger. Ce pendant les flottes ennemies s'aprocherent, & se fit vne escarmouche, comme l'on eust combatu pour sa patrie. En fin la Galeasse (ayant du pire) sonne la retraite en son fort, qui descharge son Artillerie contre les navires Angloises. Lesquelles leur respondirent avec leurs doubles Canons, de sorte qu'on eust dit que la terre trembloit. Le combat dura furieusement quelque temps, sans sçavoir de quel costé panchoit la victoire. En fin les Galeasses ne pouvant subsister demy brisées, se rendirent à l'Admiral Anglois, qui à la chaude attaqua le fort, le prit,

prit, & le faceagea. Puis ayant delivrez les prisonniers, Espagnols & Venitiens, emmena l'Admiral Turc & plusieurs Baschas en Triomphe, pour les presenter au Roy & à son Gendre.

Après on deschargea plusieurs Mortiers & autres Pièces de Campagne en signe de victoire.

LE DIMANCHE, qui fut choisi pour la Solemnité du Royal mariage, l'on vit sortir l'ELECTEUR PALATIN hors du Palais des Banquets, vestu de satin blâc, enrichy d'or & de perles, suyvi des Seigneurs de sa Cour, tous braves Courtisans, tant Allemans qu'Anglois & Escossois, tres-richement habillez à l'envy l'un de l'autre.

APRÈS vint la PRINCESSE ELIZABETH, habillée en vierge, d'une robe de satin blanc, enrichie de broderie fort riche, menée par le PRINCE CHARLES, son frere, & le Comte de NORTAMPTON, son chef environné d'une Couronne Imperiale de foin, enrichie de perles & de Diamans. Les aislerons de ses manches estoient entourez de toutes sortes de pierres precieuses d'ineestimable valeur, qui esblouyssoient les yeux des regardans. Les pans de sa robe estoient portez par quatorze Comtesses & grandes Dâmes, vestues aussi de satin blanc, & parées de plusieurs riches ioyaux.

Après suivoit vne troupe de filles de Seigneur & Barons, ordonnées pour le service de la Princesse, qui ressembloient à des Estoiles à l'entour de la Scept du Soleil.

Puis l'on vit vne autre compagnie de Courtisans, fils de Comtes, Chevaliers, & grands Seigneurs, tous richement habillez, suivis de quatre Heaualts d'Armes, avec leurs casques armoricées & leurs massés d'or.

Puis vindrent les Seigneurs du privé Conseil, ac-

compagnez de quatre Evesques avec leurs habits Ecclesiastiques, suyvis de quattres Sergens du grand Estar, portans des grosses masses d'argent.

Puis vint le Comte d'ARONDELLE avec l'Espée Royale, qui marchoit au devant de SA MAJESTE, habillée de duoil portant sur son chapeau vne Aigret-d'un Diamant d'ineestimable valeur.

Non loing de luy marchoit la ROYNE, vestue de satin blanc, enrichie de broderie & de Diamants, suyvie de plusieurs Comtesses & femmes de Barons & de Chevaliers, qui s'estoyent parées à l'enuy l'une de l'autre, pour la solemnité de ce mariage. Lequel célébré devant l'assemblée susdite, l'on retourna en la maison de Plaisance avec toute alegresse.

MADAME LA PRINCESSE ELIZABETH ayant changé de qualité en l'Eglise, ne fut plus conduite par des ieunes iouvenceaux comme auparavant ains par le Duc de Lennox & le Comte de Nottingham, qui avoyent desia suby le ioug des loix de mariage, & marcherent devant l'Espoux. Lequel à son retour de la Chappelle, fut devancé de six trompettes Allemâdes, tous habillez de velour cramoisi, chamarré de clinquant d'or, qui avec leur trompettes d'argent sonnerent mille fanfares, en signe de reiouissance. Qui fut suyvie d'une acclamation du peuple, criants par plusieurs fois, DIEU LEUR DONNE LOYE.

LE RESTE du iour & de la nuit se passa en dances, masques, & ballets. Entre autres Milord Hays fit voir sa gaillardise & gentillesse d'esprit: pourquoy faire ne fut espargné ny peine ny despence.

LE ROY, LA REYNE, L'ESPOUX ET L'ESPOUSE avec toute la Court, assis chacun en leur rang en la grand Sale; l'on vit entrer vn ORPHEE excellent Harpeur: Qui mariant la douce armonie de son instrument

ment avec sa voix Angelique, se faisoit suyvre par des bestes sauvages, comme d'un chameau, d'un ours, d'un chien, & d'un mouton, & d'autres cruelles fores, qui oublièrent leur naturel pour ouyr ceste agreable Musique.

APRES vint MERCURE, avec son caducée, & ses patins volans, auquel on attribue, que la Deesse de persuasion a basti son temple sur ses levres. Qui pria ORPHEE, de continuer: & que son Eloquence jointe à son Armonie feroient encor de plus grands miracles. Ce qu'il fait. Lors MERCURE charmé de ses douceurs, luy promet, que non seulement les pierres & les animaux qui le suyvent, imiteront la cadance de son ponce, mais aussi que les Astres & les Estoilles dancront au son de sa Harpe: pourveu qu'il s'esvertue de les esmouuoir par la douceur de son Vranie mariée aux fredons de son instrument. Ce qu'il fit. Et soudain vn celeste rideau apparut, tout couvert d'Estoilles telles qu'on les voit au ciel: qui dancrerent au son de sa Harpe.

CE QUI esmeut tellement l'esprit de MERCURE, qu'il supplia IUPITER, paroissant sur vne nuée avec son foudre en la main, qu'il permit, qu'une partie de ces Estoilles fut changée en Cavaliers les plus fideles à leurs maistresses, de la qualité de ceux qui se sont trouvez dignes de passer sous l'art des loyaux Amas. Ce qui luy fut accordé. Car au lieu de ces Estoilles, on vit incontinent sur la nue, des Cavaliers, habillez tous de flammes d'or & de broderie, avec des masques noirs; representans les esprits bien-heureux de ces loyaux Amoureux, mentionnez aux Histoires tant feintes que veritables.

Ce qu'estant fait, la Musique enchanteresse le reduit en tel termes, que pour le cōgratuler de sa scien-

ce supernaturelle, il pria derechef Iupiter, qu'il luy pleust changer le reste des Estoilles en Damoiselles & Nymphes, la beauté desquelles avoit rendus esperduement antoureux les susdits Cavaliers. Laquelle priere fut aussi tost exaucée. Car l'on vit ces Estoilles se metamorphoser en Damoiselles habillées de mesme livrées que les Cavaliers.

PUIS MERCVRE eleva derechef les mains en haut, & pria Iupiter, que pour contenter & resjouyr ceste Illustre & Royale assemblée, il luy pleust permettre, que ces bien-heureuses âmes peussent descendre, pour monstrier leur agilité & adresse à la dânce. Ce qui luy fut accordé de sorte qu'o les vit devâller sur des nues jusques dans la sale, ou au son des luths & de violes ils dâncerent toutes sortes de figures. Ce qui contenta fort la veüe & l'oreille des spectateurs.

LE LVNDY suyvânt, le Roÿ & la Court allerent courir à la bague. Il marchoit entre le Prince CHARLES son Fils, & l'ELECTEUR PALATIN son Gendre. Puis le Duc de LENNOX, avec plusieurs autres Comtes, Barons & Chevaliers, tant Anglois, Escossois, qu'Alemans, & Ambassadeurs des Princes & Provinces Amies, & les Heraux d'armes. Le Grâd Chamberland y estoit pour empescher par ses officiers la confusion du peuple. LA REYNE & SA FILLE, accompagnées de plusieurs Comtesses & Grandes Dames, estoient (pour les regarder) assises aux fenestres de la Sale des Banquets, vestues tres-richement. LE ROÿ courut le premier, monté sur vn cheval de grand prix & de belle taille. Qui emporta par trois diverses fois la bague. Puis l'ELECTEUR PALATIN, son Gendre, deux fois tout de suite, monté sur vn courageux cheval, qui sembloit voler, tant il couroit viste. Le Prince CHARLES courut apres, sur vn genet d'Espagne,

spagne, qu'on tient estre de la race de ceux que l'on dit estre engendrez du vent : & prit la bague quatre fois en cinq courses. Le Duc de LENNOX, & les COMTES, d'ARONDEL, de DORSET, de HADDINGTON, avec divers autres Comtes & Barons, coururent aussi. Puis les prix furent delivrez à chacun selon ses merites.

L'ANVIET venue, cinquante Gentils-hommes du Moyen temple & de Lincolns Inne, aussi richement vestus que bien montez, avec chacun son laquais portant vn flambeau, passerent devant la Cour.

Quelque peu apres, l'on vit vne troupe de MAGEOTS, habillez fantastiquemēt à la Napolitaine, avec des grandes fraises, montez sur des asnes & tiercelets de bidets, ayans des bortes jaunes, & jettans des moules pour avoir la courtoisie du passage, & portans en chaque main vne torche, qui esclairoit leur mine, ridicule au prix de la bonne façon des precedens.

APRES survint deux CHARIOTS de TRIOMPHE, ornez de festons, tortis, guirlandes, & bouquets, enrichis par tout d'or & d'argent d'une agreable variete. Sur lesquels estoient menez l'esslite des Musiciens du Royaume, six à chacun, vestus à la façon des PRESTRESSES de VIRGINIE, qui adorent le Soleil, & pour ce suiet sont nommées PHOEBADES.

PUIS VINDRENT les Principaux Marques, accoustrez à l'Indienne, tous d'une mesme parure. Le fond de leurs habits estoit de toile d'argent, recamez de soleils entreciettez de filets d'or, comme l'on porte aux Indes. Au bord de ces robes estoient attachées des rondelles de plumes d'Austruches, meslées de longues espillettes d'or. Au dessous de leurs mammelles pendoit vn bandrier de toile d'or, en broderie de perles : & au tour de leur col, vne fraise de plumes entreme-

flées de perles & d'argent: & sur leurs testes, des couronnes de plumes; autour desquelles pendoit iusques sur leurs sourcils, des petits Soleils d'or enrichis de perles. Qui se mouuans donnoient de l'esclat & du plaisir à les voir. Ils auoyent chacun des bas de soye brodez curieusement, iusqu'à my-iambe, & aux pieds, de petites brodeguines, brodées d'or à l'Indienne. Ils portoyent en leurs mains, des Canes de fin or; leur masque estoit de couleur olivastre: avec leurs cheveux noirs, espandus sur leurs espalles.

Leurs chevaux caparaçonnez à l'aduenant de leurs habits, parsemez de soleils d'or & de pierres precieuses. Aupres de chaque cheval couroyent deux Mores esclaves, estans iusqu'au nombre de cent. Au deuant de chacun d'eux marchoit vn porteflambeau habillé de mesme à l'Indienne, toutesfois plus strauagamment que leurs maistres. Car ils estoient vestus de plumes de diuerses couleurs. Ce qui donnoit du lustre aux autres. Leurs torches estoient de cire vierge, & les manches des Canes dorées: & chaque portetorche estoit à cheval, ayant pres de soy son More.

LE DERNIER chariot, qui estoit plus enrichy que les autres, estoit fait à l'antique doré, peint, & relevé en bosse, sur lequel pandoit vn Canopée, orné de figures & crotresques plaisantes à voir.

Au deuant du Chariot, en la place du cocher, estoit assise vne personne estrange, habillée à la Françoisse, & à la Suisse par moitié, & se nommoit CAPRICIO, portant sur sa teste vn soufflet d'or, en vne main vne pair d'esperon doré, & en l'autre les resnes des chevaux, qui tiroient le chariot.

Sur vn autre siege, vn peu plus relevé, estoit assise EVNOMIA, la vierge, prestresse de la Deesse HONNEUR, aupres de PHEMIS, la Trompette L'habit de la

Prestre/le estoit de soye blanche, froncé sur le col; & vn manteau de toille d'argent sur l'espaule à l'antique; sa teste voilée d'un crespé, qui trainoit en bas à la Vestale. Sa Compagne avoit vne cuirasse d'estoffe d'argent, & les tassettes pendantes, vne courte robe de drap d'or, avec les mâches pendantes descoupees; vne coiffure d'or, & vne baguette d'or aussi en main.

Au plus eminent du chariot estoit assise la Deesse HONNEUR, & le Dieu des Richesses PLUTVS. L'habit duquel estoit vne robe de drap d'or; ses larges manches renversees; & ses bras nuds; ses cheveux & sa barbe enlées d'espiettes d'or, bref, tout couverts de clinquant. L'ornement de la DEESSE estoit vne riche robe de taffetas bleu, son manteau de drap d'argent, vn voile de gaze pendant, & ses cheveux tressez avec des cordons d'argent.

IL Y avoit deux cents halbardiers & deux Marechaux pour conserver l'ordre. Le ROY les vit faire le tour devant la Galerie avec toute Sa Court. Puis on les fit entrer en la Sale, ou leur scène estoit preparée en ceste sorte.

AV BAS de la grand Sale estoit bastie vne Roche artificielle, la cime de laquelle touchoit quasi les solines. Elle estoit rabouteuse, & y avoit deux escaliers perdos, d'où les personnages pouvoient monter & descendre.

En quelques lieux l'on voyoit des veines d'or. Car ceste roche croissoit petit à petit en ceste couleur de mine. Apres se leva d'un costé de ce rocher vne plaisante montagne, sur laquelle estoit basti vn Temple d'argent, octangulaire; ses piliers à la composite, ayant chacun son Architrave, sa frise, & sa corniche. Sur lesquels estoit vn plinthe continu, orné de statues d'argent, & sur icelles vn ordre bastard d'architecture, ou
estoyent

estoyent eslevées quelques tables d'attente, sur l'une desquelles se lisoit *FANVM HONORIS*. Son sommet estoit vn cul de lampe, convert d'ardoises d'argent.

Non loin de ce Temple se voyoit sur vn Piedestal, vne boule d'argent, basty par la Fortune inseparable de l'Honneur. A l'entour de ce temple pendoyent des festons (enrichis d'argent) d'un pilier à l'autre, & les Frises d'œuvre Mosayque demonstrents Grandeur & Magnificence.

A vn autre costé de la Roche y avoit vne Caverne, & aupres vn arbre creux & fané, qui estoit la retraite des Magots.

LE *SUBJECT* de ce balet estoit: Que l'*HONNEUR* ayant acquis entre les humains tant de gloire, on luy auroit dressé vn Temple, comme à vne Deesse: & consacré *Eunomia*, pour estre la prestresse, qui signifie le Droit & la Iustice, sans laquelle nul ne peut parvenir à l'Honneur, à laquelle fut adiointe *PHEMIS* pour proclamer ses loix. Et pour donner tant plus de lustre à ceste Deesse, l'on à représenté *PLUTVS* aupres d'elle, ainsi que le depeint Aristophane, aveugle de Nature, difforme & grossier, mais par le moyen de l'Honneur, qu'il courtise, il devient en fin cler-voyant, courtois, ingenieux & liberal.

PLUTVS fort le premier, & se mocque de ces Rochers, disant, qu'en tons balets on n'use d'autres choses. Toutesfois il croit, que ceste custume est devenue nécessaire, pour demonstrier, qu'une main du ciel a metamorphosé les cœurs des Dames cruelles en la dureté de ces Rochers, aussi bien que ses vsuriers qui ont quelque sympathie avec ces Dames, lesquelles ne se contentant du principal, exigent encor l'interest, à leur imitation. Et vient pour les rendre en leur pristine forme.

M A I s il se trompe bien fort. Car au lieu de changement en Dames (la moitié de ceste Roche s'estant avancée du costé du Roy environ cinq pas, creva & fut soudain esvanouye, qu'on ny veist que ce C A P R I C E, depeint comme cy devant; sinon qu'il portoit vn lingot d'or en sa main droite. Qui tout estonné, se plaint de la misere du monde, & que les ignorans y sont plustost avancez que ceux qui ont du mérite. Disant qu'il a rompu ceste Roche à la poursuite de ceste aveugle Dêité, que l'on nomme R I C H E S S E, qui miraculeusement estoit arrivée en ceste Isle: Et en recherchant la cause, l'attribue au mouvement circulaire, qu'on donne à la terre, & non au ciel: Et que l'Angleterre, estant separée du reste du monde selon le dire du Poëte, demeure seule ferme, reprouvant l'inconstance du monde. Qui se mouvant, ce rocher (par accident) seroit ainsi arrivé en ceste Region, avec l'Isle tresriche de P O E A N A, ou le Soleil est adoré. De laquelle est sortie vne brigade des plus nobles de la V I R G I N I E, pour visiter ce Dieu des Richesses. Qui les a logez en ses mines d'or, ou ils paroissent en grand Triomphe. Car ayant entendu la Renommée de ces Noces Royales, ils ont traversé l'Océan, pour les voir. or le pied de quelque riche ayant marché sur vn lingot, Il dit avoir mis la main dessus, esperant quelque chose de plus par l'invention de son bel esprit.

P L U T E l'accoste & l'accuse de faire la cour à ses mines. Et bien qu'il soit aveugle aussi bien que la Fortune & l'Amour, si estce que recherchant l'Honneur, il a ceste grace d'apercevoir les intentions de C A P R I C E (qui se qualifie homme d'entendement, & porte vn soufflet sur sa teste, pour enfler l'esprit des grands de Vanité & d'Ambition; & des esperôs, qui tesmoignent qu'il sçait piquer ceux qui le méprisent) affin de s'en

donner garde. En fin, ils s'entredonnent des petits sobriquets.

PLUTE (qui n'a pas encor les yeux bien ouverts) mesprise la Science, pource, qu'elle est pauvre: vante sa richesse, qui est l'Atlas, qui supporte son Royaume: conseille **CAPRICE** de devenir usurier ou banqueroutier, pour estre riche plüstost que de faire ainsi le bouffon.

CAPRICE respond, qu'il y en a qui sont parvenus à des grands Estats par ceste eschelle. Mais que pour luy, il a la Fortune trop contraire: que toutes fois il estime sa qualité meilleure que celle de **PLUTE**, que l'on tient pour diabolique, & tachée de toutes sortes de vice, puis que l'Avarice en estoit la racine.

EN FIN, **PLUTE** ayant appris le subiect de la venue à ces Noces, qui estoit d'amener ses Magots, pour en donner du plaisir, & d'attirer de luy quelque faveur, en vers son or & son argent, dont ils estoient infiniment amoureux, il prie **CAPRICE**, de les faire venir: & qu'il les recompensera bien. Luy raconte, comme il est devenu amoureux de la Déesse Honneur, luy montrant son Temple, ou elle estoit adorée auprès de la boule de la Fortune, qui l'avoit fait bastir à sa fille en ce Royaume, d'où elles ne desplaceront jamais: disant, que depuis que ces Princes de Virginie estoient arrivez pour honorer ceste Royale Sèlémnité, & qu'il avoit entendu la douceur de la voix de ceste Déesse, que les flammes d'Amour, estant passées par ses yeux dans son cœur, l'auroient illuminé d'un monde de bonté & de liberalité. Ce que ces Magots entendant, ils sortirent en mesme instant, & dancèrent leur balet avec mille singeries. Ce qui pleust fort aux spectateurs.

MAIS PLUTE ayant considéré, que ce n'estoit

que folies, reprend **CAPRICE** de ce qu'il demande recompense pour ceste vanité, & le renvoye avec ces soufflets, qui seroyent capables, disoit-il, de fondre ces mines d'or, si on le vouloit escouter tous les jours, & le rendre derechef aveugle: luy conseillant, d'endurcir ses compagnons au travail pour les exercices de la guerre, & non à ces fageries. Toutesfois pour ne renvoyer nul mescontent de ces Noces, il luy faict present d'une bougette pleine d'or, & le presuade de prendre vne plus honorable façon de vie.

S'ESTANS retirez, **PLUTE** s'avance pour courriser l'Honneur, & s'adresse (pour y parvenir plus facilement) à la Vierge **EVNOMIA**, qui est à la portè du Temple. Il l'appelle & la prie de l'assister à ce qu'il puisse voir, & parler à sa Deesse. La **PRESTRESSE** cognoissant sa verrueuse intention, qui estoit d'avoir accez à l'**HONNEVR** par les clairs rayons de la **VERTU**, luy promet, que sa Maistresse devancera sa peine, en descendant pres de luy. Soudain la haute Musique commença son harmonie. Et la Deesse **HONNEVR** sortant de son tēple apparust, & descendit avec **HEMIS** & **EVNOMIA**, qui marchoit devant elle. La Musique cessant, & **PLUTE** œilladant sa Deesse, luy dit, apres quelque complements amoureux, qu'il estoit temps d'effectuer leurs desseins, pour honnorer ceste Nuit Nuptiale. Qui causa, que l'**HONNEVR** commanda à **HEMIS**, de faire venir ces **PRINCES INDIENS**. Lors ceste Nimphe alla les appeller aupres des Mines, disant que la Royale assemblée les attendoit en grande devotion.

A CES paroles les **PHOEBADES** apparurent avec six luths, & six voix, & chanterent cest air:

*Sus monstre nous les Veines d'or,
Mine par tout tant desirée.*

*Monstre nous aussi ton Thresor,
O Celeste Voute azurée.*

*Ciel & Terre entrebaisez vous,
Ainsi que l'Esponse & l'Esoux.*

Et comme si s'eust esté par les charmes d'ORPHEE, la partie superieure du Rocher fut convertie soudainement en nuée, descouvrant vne riche & esclattante mine d'or. En laquelle les douze Masques estoient assis, & leurs porte-flambeaux à l'entour d'eux. Et bien que les flambeaux ne fussent pas vëus, si est ce que leur clarté faisoit paroistre la richesse de leurs habits cy dessus despeints.

AVANT de la mine d'or, il y avoit vne nuée, où le SOLEIL s'aprestoit d'aller coucher, descendant par degrez, & entroit dedans des nues, ou il se cachoit quelques fois, puis reiettoit ses rays comme auparavant, denotant la continuation du beau temps. Ce qui fit dire à la Deesse HONNEUR, s'adressant à Plute: Voyez le SOLEIL, qui voulant faire sa retraite en l'OCCÉAN, nous fait signe, que les jours futurs seront clairs & serains. Ainsi puisse il ayenir toutes les nuits, adiousta PLUTE, qui se rendit attentif aux chansons & ceremonies des PHOEBADES, à qui la Deesse HONNEUR commanda, de faire leur devoir & devotion accoustumée, quand le SOLEIL se couche. Lors commença l'VNE des PHOEBADES à chanter ainsi:

*Descend, beau Soleil, dans le sein
De ta Thetis, & te repose;
Jusqu'à ce qu'Aurore au matin
Te reveille, en semant ses roses,
Et en flamme d'oresnavant
D'Amour, la Mer avec le vent.*

A chaque fois qu'elles chantoient, les porte-flambeaux levoyent

Ie voyent leurs torches vers le SOLEIL, auquel il sem-
bloit que les Prestresses, chantaient obeissance.

L' A V T R E apres SEVLE.

Purgez purgez, doux vents, cest air
De toute vapeur venimeuse,
Qu'on ne la voye plus gaster
Ceste face si lumineuse.

C H O R.

Dance Thetis, & puis embraca
Les rais de ton Amy, qui vient
Remply de beauté & de grace:
Et le sers, comme il appartient.

Ayant achevé, & le SOLEIL s'estant caché, la Déesse
H O N N E V R commanda de cesser ceste superstitieuse
devotion, & de se tourner devers ce P H O E B U S, dont la
vraye Pieté avoit obtenu du ciel vn Honneur divin
en terre. Lors regardans le Roy, vne autre Musique de
voix & de luths commença en ceste sorte:

1. Leve toy SOLEIL, & nous ris,
En monstrant ton œil favorable.
Car le Soleil n'est rien au pris
De ta vertu tant remarquable.
2. Dancez Dames, de qui les yeux
Par leur clarté font qu'il nous semble,
Que le Soleil n'est plus aux ciens:
Tant Vostre Beauté luy ressemble.

C H O R.

Nostre SOLEIL ne doit-il pas
Marcher devant? puis que sa race
Sera sans fin, & qu'il n'a pas
Trouvé de R O Y qui le surpasse.

Cela achevé, les P H O E B A D E S commencerent de
chanter la troisieme stance:

1. Si tu te couches, nostre cœur

*Se levera, chantant Ta gloire.
Dedans l'Olimpe Ta grandeur
Aura sur tous les Roys victoire.*

*2. Quand tu rends ton arc Argentin,
Tout le monde crainc ta colere.
Toutefois Ta grandeur sans fin
Regit doucement l'Angleterre.*

C H O R.

*Que bien-heureuse fut la mere,
Qui te porta ? Diane aussi,
Qui prend en la chasse ordinaire
Tout son plaisir & son soucy.*

Après, l'Honneur commenda à la Musique de dire
encor cest air pour celuy à qui tous les rays de PHOE-
BVS s'appartiennent. Ce que firent les autres voix en
ceste sorte:

*1. Leve toy, S O L E I L, & iâmais
Ne cache de nous ta lumiere,
Tous autres Roys perdent leurs rays
Près de ta Clarté singuliere.*

*2. Tu sembles au beau iour luyant,
Qui faict perdre à l'œil les Estoilles.
Aussi un grand Roy bien sçavant,
Est un Astre auprès des chandelles.*

C H O R.

*Heureux le ventre, qu'a porté
Le plus vertueux de ta race:
Qui est comme un arbre planté,
Dont l'ombre tout le monde embrasse.*

Ayans achevé de chanter, EVNOMIE parle aux
Masques Indiens, & les persuade de quitter leur Idola-
trie & Superstition envers le S O L E I L, pour faire
hommage à ce PHOEBVS de la GRANDE BRETA-
GNE, qui leur enseignera la vraye Pieté; & les detour-

nera de tous erreurs damnable: les priant de s'adresser pour ce subiect vers luy; puis qu'il a desia la vraye illumination du ciel ennemy des erreurs tenebreuses.

CEPENDANT les porte-flambeaux descendirent & firent vn autre avant ballet avec leurs flambeaux bruslans par les deux bouts. Ce qu'estant achevé, les Masques les suivirent & dancèrent le grand ballet.

Incontinent apres, l'Honneur s'adresse aux Musiciens, & leur commande de chanter l'Hymne Nuptial, d'Amour, & de Beauté tous deux jumeaux d'un mesme desir, & dont les flammes ne s'esteindrôt que dans les larmes de la mort. A qui la Renommée donne toutes les louanges, de qui la sympathie, des humeurs ne peut permettre; que l'un souffrant du desplaisir, l'autre n'en aye de la peine; bref, qu'une mesme cause n'engendre pareil effect entr'eux. Ce qu'ils firent, chantans ces paroles.

V N L V T H S E V L.

1. La divine Beauté sortant

Du fond de la Masse premiere,

L'Amour en sortit quant & quant,

Accompagné de la Lumière.

Mais Amour baisant la Beauté,

Amour en fit le Mariage.

Puis qu'ils avoyent tous deux esté

De mesme humeur & d'un mesme age.

C H O R.

Pour ces jumeaux la Deité

Crea l'Amour & la Beauté.

2. S'entre-aymans chacun d'eux desir e

Se surpasser en Amour.

La Beauté par son oeil attire

L'amour, sa treschere moitié.

Amour de Beauté se retire.

Ce qui la rend triste & martyre.
Mais beauté oste le Bandeau
A l'aveugle Cupidonneau.

C H O R.

Les rays d'Amour causent la flamme
Au ciel de Beauté, de qui l'œil
Engendre l'Amour en nostre ame,
Qui n'entre jamais au oerchoil.

3. Le feu de Vertu y aspire:
La Bonté y tient son Empire:
L'Innocence y veut habiter.

Mien & Tien ont perdu leur grace:
La Communauté tient leur place,
Et n'ont plus rien à disputer.

C H O R.

Ce Mariage est un Thresor,
Qui renouvelle l'age d'or.

Ce concert achevé, les Masques dancierent derechef
avec les Dames. Puis H O N N E V R fait chanter cest
Hymne suiuant, au Sommeil:

Sus Sommeil, tire les rideaux,
Et rend toutes choses muettes,
Afin que tant mieux ces iumeaux
Jouyssent de leurs amourettes.

Morphée envoie leur aussi.
Des songes plains d'heureux presage:
Afin qu'ils puissent vivre ainsi,
Que l'on faisoit au premier age.

Et toy, Ciel, vien t'en caresser
Nostre climat d'un doux baiser.

Puis P L V T E parle aux Masques, les remerciant de
leur courtoisie. Et pour recompense de l'hommage
qu'ils ont fait à l'Amour, à la Beauté, & au Soleil An-
glois, il les invite de venir au temple de l'HONNEUR,
ou ils

ou ils receurent la gloire de leur merite, puis que la richesse & l'honneur sont mariez ensemble.

PLUTE ayant achevé, ils conclurent par vne dance, qui les porta en haut; Plute & la Deesse honneur les conduisant au temple. Et donnerent ainsi le bon soir à la compagnie.

LE Mardy ensuyuant on auoit dressé des eschafaux, pour faire jouër les Comediens du Roy, de sorte que plusieurs milliers de peuples s'estoient ja assemblez. Mais il arriva le contraire. Car le Roy les remit à vne autre fois, & donna ceste nuit entrée à environ trois cents Gentils-hommes, estudians au Droit, & d'autre honorables profession, qui arriverent par la Thamise, vestus tous indifferemment, comme sont toutes les nations du monde, & furent introduits en la sale, où on auoit jouë le ballet precedant; y ayant fait preparer pour leur scene, vne grande statue ressemblant à vne Vierge, à demy couchée: tenant en sa main gauche, vn Globe terrestre aussi grand quasi qu'une montagne; & sur la droicte elle appuyoit la teste, environnée de rayons, & regardoit dedans vne grande Bible, posée sur vn pulpitre aupres d'elle. De l'autre costé estoient les armes d'Angleterre, & celles de l'Electeur Palatin, où il y a vn monde.

L'ARGUMENT de leur ballet estoit: que la Chrestienté auoit joinct le monde avec l'Angleterre. Car encor que les Poëtes disent, *Dinissus ab orbe Britannus*: toutefois le mariage, fait au Ciel, & consommé en Terre, de la fille vnique de ce sage Roy de la grande Bretagne, avec le Serenissime Prince FRIDERIC V. Electeur Palatin (qui porte en ses armes, & en son office Electoral, le monde d'or: qui est maintenant ioinct aux armes d'Angleterre) a donné occasion de contredire le Poëte, & de croire, qu'un jour, s'il plaist à Dieu,

le monde (quittant ses erreurs) se viendra rendre à la cognoissance de la verité Chrestienne. Ce qui les a meü de faire venir Atlas, pour se descharger du Globe Terrestre entre les mains d'Alithie, c'est à dire la verité. Duquel Globe sortent les trois parties du monde, a sçauoir l'Europe, l'Asie, & l'Afrique, estans sommées par les trompettes de la verité, qui sont les Muses divines, & par son lieutenant Atlas, de venir apprendre d'Alithie, le droict chemin de salut, par lequel chacun doit aller consacrer son ame à la gloire du grand DIEU.

PREMIEREMENT parurent les Neuf Muses, habillées en Religieuses ou Vestales, jouans de leurs instrumens: & chäterent toutes ensemble melodieusement ces vers deuant le Roy:

Le monde te vient faire hommage

Grand ROY, de sa feruité:

Puis qu'icy loge la Beauté,

Et l'Amour, l'Honneur de nostre age,

Il vient chercher la verité

Chez toy, où son temple est planté,

Puis vient ATLAS, qui se plaignant de lassitude, dit; qu'ayant appris d'Archimede, que si on luy donnoit vn point ferme, qu'il souleueroit ceste Machine, qui luy avoit donné tant de peine: & qu'estant las de la porter, aussi bien qu'Hercules, qui l'avoit soulagé quelque temps, il estoit venu en ceste Isle, laquelle avoit ceste qualité requise, sinon elle mesme, au moins le doigt d'une Vierge incontaminée, qu'on appelloit ALITHIE. Sur lequel il l'avoit posé; & pour récompense en venoit remercier son Protecteur, le ROY de ceste Isle: luy promettant, que toutes les Nations de la Terre viendroient faire hommage à la VERITE, par laquelle le Monde subsiste; ainsi que les Pucelles avoient naguères chanté: lesquelles luy servoyent de

guide en ce Royaume, desirans aussi de suyvre leur Maistresse ALITHIE; ayant donné cōgé au fol Amour pour se choisir ce docte Roy leur Mœccenas.

AYANT dit ces paroles, il s'en retourna pres du Globe, ayant pris avec luy les Trois Muses, Vranie, Clio, & Terpsichore, qui chanterent ces paroles:

Sortez EVROPE la premiere,

Puis que vostre ame a ia receu

Quelques rayons de la lumiere,

Que le Saint Esprit a conceu.

Amenez icy vos Princesses,

Pour en recevoir les adresses.

AYANT finy, vne partie du Globe, où estoit despeinte la Carte de l'EVROPE, s'ouvrit. D'où l'ô vit sortir vne Reyne, habillée comme les peintres ont depeint l'EVROPE, ayant avec elle cinq Princesses, ses Filles: qui se nommoient, France, Espagne, Allemagne, Italie, & Grece: avec vn Admiral & sa femme (nommez l'Océan & la Mer Mediterranée) avec leurs vassaux; le Loire, le Boëte, le Rhin, le Tybre, & Achelous; portant chacun, dans vne Corne d'Abondance, des fruits, qui croissent sur leurs rivages; desquels ils vont faire offrande à l'Espouse & l'Espoux: ayant premierement faict reverence à ceste Vierge, qui soustient le Monde. Ces Princesses avoyent chacune trois pages; comme la Françoisë, vn Basque, vn bas Breton, & vn Lorrain: l'Espagnole, vn Portugois, vn Arragonois, & vn Catalan; l'Allemande, vn Hôgrois, vn Bohème, & vn Danois: l'Italiëne vn Napolitain, vn Venitië, & vn Barga-masch: la Grecque, vn Ture, vn Albanois, & vn Bulgarois: chacun habillé à la façon de son pays, & portans en leur main chacun vn flambeau. L'offrande estant faite avec vn air, que l'on chanta, les Porte-flambeaux dancierent l'avant-ballet.

Puis ATLAS appella les Princes. Qui sortirent richement vestus à la mode de leurs Royaumes, & dancèrent le grand ballet avec leurs Princesses. Et s'estans retirez à part, Atlas prist trois autres Muses, Calliope, Melpomene, & Erato, & les fist chanter au pres du Globe ces vers :

*Sortez, Reyne, de qui les yeux
Ont veu plus clair que les Estoilles;
Mais maintenant plus tenebreux,
Que ne sont les nuits eternelles.
Venez chercher vostre Clarté
Dans le puy de la VERITÉ.*

Incontinent l'on vit sortir la Reyne ASIE, sans faire la reverence à Alithie, non plus que les Princesses ses filles, qui la suiuyoient, nommées Syrie, Palestine, Mesopotamie, Caldée & Assyrie: vestues toutes comme l'on a accoustumé en leurs regions. Seulement les deux dernieres differoyent. Car l'une estoit habillée richement d'un costé, & de l'autre pauvrement, & se nommoit Arabie: l'autre estoit à demy Mede, à demy Perse. Leur Admiral marchoit apres, que l'on appelloit le Golfe de Bengale, avec ses deux femmes, la Mer Rouge & la Mer Caspie, suivies de leurs vassaux; le Tigre, l'Inde, le Gange, l'Euphrate, le Jourdain, le Iadoc, & le Tanais; qui apporterent aussi les offrandes des fruits de leurs eótrées. Les pages de ces Princesses suivirent: chacune en ayant trois, habillez à la Moscovite, à la Tartare, à l'Hotomane, à l'Indienne, à la Juifve, à la Samaritaine, à l'Hircinie, à la Natolie, à l'Idumée, à l'Egyptiaque, à la Scythie, à la Parthe, à l'Hircanie, à la Bythinie, à la Phrigiéne, Dorique, Ionique & Corinthe, à la Licaonie, Pamphile & Cilicie. Car chacun avoit son habit particulier, & portoit une torche, avec laquelle ils dancèrent leur advant-ballet, (apres que les fleu-

ves eurent fait l'offrande) lequel fut suivi du grand ballet des Princes avec les Princesses, selon la Musique & la façon de danser de leurs pays. Ce qui donna vn plaisir extreme aux spectateurs.

ET S'ESTANS retirez, ATLAS prit les trois dernieres Muses, & s'en alla querir l'autre Roynie, la faisant appeller avec cest air:

Sortez, AFFRIQUE monstrueuse

En erreurs plus qu'en animaux,

Et cherchez en ceste Isle heureuse

Le repos a tous vos travaux.

C'est icy que la Chrestienté

Veut que son temple soit planté.

Soudain l'on vit sortir l'AFFRIQUE, habillée d'autre sorte que les precedantes Reynes, & suivie de quatre Princesses ses filles, a sçavoir Barbarie, Numidie, Libye, Ethiopie, qui toutes oublierent à faire la reverence à ALITHIE: reservé la dernière, femme du Prestre Ian: avec leur Admiral, l'Océan Atlantique & Ethiopique freres encor à marier; menans leur vassaux, qui sont le Nil, le Zambere, le Niger, & l'Agaise, qui sont aussi chargez de leur Abondance, à l'imitation de ceux qui les devancent: suivis des pages, qui marchent avec flambeaux, & habillez à la Bresilienne, à la Madagascar, à la Guinée, à la Tunes, à la Fez, à la façon d'Algier, des Amazonnes, à la Sicilienne, à la Sardinienne, à la Moravie & à la Mozambique. Lesquels dancierent aussi leur Antibalet. Qui furent sayvis de leurs Maistres, apres l'advertissement d'ATLAS.

ET AYANT dancé le grand Balet, les MUSES chanterent cest air, trois à trois, à la persuasion d'ALITHIE, se tournans vers les trois Reynes:

1. Quittez vos anciennes querelles,

Vous Princes & Princesses belles,

Pour mieux plaire à la Verité.

*Accordez vous tous trois ensemble,
Reynes, sous qui le Monde tremble,
Et laissez l'opiniastrerie.*

*2. Suivez de ce ROY la sagesse
Qui attire par sa prouesse
Les Chrestiens d'un zele divin.*

*Bruslez dans le feu de son zele
Ceste religion nouvelle
De Mahomet & de Iupin.*

*3. Vous Empires & Republiques,
Conuersez les heretiques
Ennemis de la Chrestienté.*

*Afin qu'ayant sa cognoissance
Ils soyent touchez de Repentance,
Et recherchent la verité.*

*C H O R.
Vous Affrique, Europe, & Asie,
Delaissez donc toute heresie.*

*Pour recognoistre l'Eternel.
C'est luy qui nous fait ceste grace
C'est luy qui les tenebres chasse
Et son renom est immortel.*

*Ce qu'estant achevé, toutes ces Roynes, Princef-
ses, Mers, Fleuves, & Nations estranges, se tournans
devers A L I T H I E, l'adorerent comme en dancant.
Soudain A T L A S les remercie, d'avoir quitté le
monde, qui le chargeoit si fort à cause de leurs pe-
chez, qui est vn insupportable fardeau. Et lors sou-
dain le MONDE s'ouvrant en deux, & disparoissant,
l'on vit comme vn P A R A D I S : au devant duquel
estoit vn Ange avec vne Espée flaboyante. Et vne te-
ste de mort à ses pieds : mais la Verité assise au milieu
de plusieurs Estoilles, Anges & Cherubins. Qui avec*

l'armonie de Violes, de Luths, & de Voix, inviterent ces Roynes & leur suite, d'entrer en leur PARADIS, avec ces paroles:

Que ceux, à qui la Repentance,

Et la Foy ont touché le cœur,

Et luy ont donné cognoissance,

Que IESVS-CHRIST est leur Sauveur:

Qu'ils ne redoutent point la mort,

Pour entrer en cest heureux port.

Ce qu'ayant entendu ces Nations, apres avoir deſ-
 cheſ adoré la Verité; Atlas & les Neuf Muses les con-
 duirent en ce Paradis, au ſon de la haute Muſique:
 d'où desplaça ceſte Eſpée de feu & ceſte mort. Puis le
 Paradis ſe fermant, chacun ſe retira.

LE LENDEMAIN toutes les Cloches des Eglises
 de Londres carillonnerent en ſigne de reſiouiffance.
 Car en ce Royaume c'eſt vn teſmoignage d'une gran-
 de Alegreſſe, quand cela ſe faiſt.

BREF, on fit toutes ſortes de paſſer-temps iuſques
 ſur la fin du mois de May, que Monſeigneur l'E-
 CTEUR PALATIN partit de Londres avec Ma-
 dame la PRINCESSE ſon Eſpouſe, & furent con-
 duits iuſqu'à Rocheſtre par leurs MAIEſTEZ; où
 il ſe fit encor quelque reiouiffance. Puis (ayant pris
 congé d'eux.) ſ'en allerent embarquer à Margat, & ar-
 riverent à Fleſſingue: où ils furent très bien receus ſur
 la Mer, aupres de l'Eſclufe, par ſon Excellence le
 PRINCE MAVRICE. De là paſſerent à la Haye: où
 ſon Alteſſe priſt la poſte iuſqu'à ſa Court d'Heidel-
 berg, pour aller recueillir Madame la PRINCESSE, ſon
 Eſpouſe. Qui traversa Amſterdam, Vtrecht, Arnheim,
 Duffeldorf, Cologne, Andernach & autres villes; où
 elle receut toutes les courtoiſies qu'on s'eſtoit eſver-
 tué de preparer à Sa Grandeur. Puis arriva à Bacharac
 fron

frontiere du Palatinat, de là à Oppenheim, & à Franquendal, où on luy fit vn accueil somptueux.

LE DIX-SEPTIESME Iuin elle arriva à Heidelberg, fut receüe en Cápagne de treze Princes, (qui allerent au deuant d'Elle) & saluée par la mofqueterie de vingt Enseignes de gens de pied, & cinquante pieces de Canon.

LE LENDEMAIN, dix-huiëtiesme Iuin, l'on fut en l'Eglise, solennellement rendre graces à DIEU de l'heureuse arrivée de Leurs Alteſſes.

LE DIX-NEVFVIESME, l'on fit le Tournois.

LE VING-TIESME, les Triomphes, & les courses à la bague, &c.

ACCORD FAICT ENTRE SA M^e. ET SON ALTESSE.


AV contract de Mariage il y a; que son Alteſſe l'ELECTEUR PALATIN, doit ſucceder au REGNE & Domination de la Monarchie de la Grande Bretaigne, en cas du decez du ROY, & du ieune Prince Son Fils.

Pour le Doüaire a eſté promis par ledict ROY à son Alteſſe, 400000. liures contant, & cent mille de Penſion annuelle.


F I N.

961517









E


Cons. 12. 10

Leonard Quackenbush

[Faint handwritten notes at the bottom of the page]

2. 5/17/77

5791





BIBLIOTECA